

Folget

Vors Ander,

Von der Liebe vnd ihrer Art,
Natur vnd Eigenschafft.

Gott ist die Liebe selbst, Christus das Ge-
sah vnd die Propheten. Item, Recht ^{1. Joh. 4.}
thun vnd die Gerechtigkeit. Darumb ist die ^{Matth.}
Liebe alles, Ja Gott selbst das Einige Ein in ^{7.}
der Dreyfaltigkeit, oder drey Personen; in
der Dreyeinigkeit. Liebe nun, oder habe
lieb den Herren Christum, der alle Gerech-
tigkeit erfüllet hat, vnd du dir durch wahren
Glauben zueignest, so hastu Gott vnd sein
Wort vnd Christum erkant vnd gehalten.
Dahero fasset Paulus alles in die Liebe zu-
sammen, vnd schleust ein, was Christus ist,
vnd was das Gesah und die Propheten geleh-
ret haben, vnd diß ist kürzlich die Haupt-
summi aller Gebott, lehre vnd Bücher, Ja
Christi selbst, Liebe von reinem Herzen, von
gutem Gewissen vnd von vngeserbtem Glau- ^{1. Tim. 1.}
ben. Wie auch Christus vielmal gesagt, daß
darinn hange vnd begriffen werde alles, was
das Gesah vnd die Propheten bezeuget ha-
ben.